

ԱՊՐԻԼԻ 24-Ը ՄԵԾ ԵՂԵՈՆԻ ՕՐՆ Է

ԹԲԻԼԻՍԻ. ՀՈՒՇ-ԵՐԵԿՈ՝ ՆՎԻՐՎԱԾ ՄԵԾ ԵՂԵՈՆԻ 108-ՐԴ ՏԱՐԵԼԻՑԻՆ

ԱՇՈՏ ՍՄԲԱՏՅԱՆ. «ՃԱՆԱԶՈՒՄՆ Է, ՈՐ ԲԵՐՈՒՄ Է ՀԱՇՏԵՑՄԱՆ»

ՎՐԱՍՏԱՆՈՒՄ ՀԱՅԱՍՏԱՆԻ ԱՐՏԱԿԱՐԳ ԵՎ ԼԻԱԶՈՐ ԴԵՄՊԱՆ
ԱՇՈՏ ՍՄԲԱՏՅԱՆԻ ԵԼՈՒՅԹԸ՝ ՆՎԻՐՎԱԾ ՀԱՅՈՑ ՑԵՂԱՄՊԱՆՈՒԹՅԱՆ
108-ՐԴ ՏԱՐԵԼԻՑԻ ՀՈՒՇ-ԵՐԵԿՈՅԻՆ

(Սկիզբը՝ 4-րդ էջում)

Միայն այդ ճանապարհով Ցեղասպանության զոհերը կհասնեն երկար սպասված արդարությանը, արժանի հարգանքի տուրք կցուցաբերվի նրանց հիշատակին, իսկ նրանց ժառանգների հոգիներում կբացվի խաղաղ ապագայի տեսլականը:

Հայոց Ցեղասպանությունը խարան է ամբողջ մարդկության համար: Այն հայ ժողովրդի մեծագույն ցավն է:

Սակայն մենք այն չենք հիշում միայն որպես մեր անձնական ցավ կամ ողբերգություն, մենք շարունակում ենք հիշել, քանի որ գիտենք, որ պատմությունը մոռանալու գինը, դրա կրկնությունն է:

Բացարձակ անհրաժեշտություն է, որ մարդկությունը գիտակցի եւ առերեսվի սեփական պատմության հետ, կարողանա վերլուծել այն, ինչ տեղի է ունեցել: Պատահական չէ, որ հայտնի ֆրանսիացի գրող Մարսել Պրուստը իր «Կորսված ժամանակի փնտրություններում» գրքում նախագովում էր իր ժամանակը:

«Անցյալի հանդեպ աչքերդ փակելով՝ կուրանում ես ներկայի իրողությունների նկատմամբ: Նրանք, ովքեր չեն ցանկանում հիշել անմարդկային ողբերգությունները, վտանգված են դրանք կրկնելու»:

Ուստի, մենք պետք է դասեր քաղենք պատմությունից եւ մեր ջանքերն ուղղենք նրան, որ անցյալում կատարվածը երբեք չմոռացվի:

Իմ օտարերկրյա ընկերների եւ գործընկերների հետ զրույցներում, ովքեր դատապարտում են այս հանցագործությունը, ես նրանց ասում եմ.

«Շնորհակալ եմ ոչ թե ցավակցական խոսքերի, այլ՝ նրանց վերաբերմունքի, սկզբունքայնության եւ հարգանքի ընդհանուր արժեքների համար, ընդհանուր հիշողության համար»:

Քանի որ, իմ կարծիքով, իրեն քաղաքակիրթ համարող ցանկացած մարդ պարտավոր

է դա անել՝ նմանատիպ եւ այլ հանցագործությունների կրկնությունը բացառելու համար:

Ես հույս ունեմ, որ մի օր, Թուրքիայում որոշում կայացնողները նույնպես կանեն այն, ինչ ճշմարիտ է, ինչ անհրաժեշտ է՝ կոչվելու համար «Մարդ», որը կրում է նաեւ անցյալը հիշելու պատասխանատվությունը:

Իրականում այսօր դժվար է գտնել որեւէ պետություն, որի հասցեին չեն հնչել մեղադրանքներ՝ պատմության այս կամ այն դրվագի համար...

Սակայն հատկապես մերժողականության քաղաքականությունն է պատճառը, որ Հայոց Ցեղասպանությունը շարունակում է մնալ Թուրքիայի պատմության սեւ էջերից մեկը:

Այդուհանդերձ, այս մասին խոսելիս, պետք է հաշվի առնենք, որ գոյություն չունի մի ամբողջ ժողովրդի մեղք կամ անմեղություն հասկացողություն: Մեղքը, ինչպես եւ անմեղությունը, երբեք խմբային չէ, այլ միշտ խիստ անհատական: Կարծում եմ՝ մեզանից յուրաքանչյուրը՝ որպես մարդ, միշտ ձգտում է հաշտեցման: Հենց դրա համար պետք է հասկանանք, որ ճանաչումն է, որ բերում է հաշտեցման:

Հիշողությունը մնան է ջրին եւ կենսական է ջրի պես, անհնար է ապրել առանց հիշողության: Այն միշտ կենդանի է եւ շարժուն, եւ իր համար ճանապարհ է հարթում դեպի նոր հարթակներ եւ մարդկային սրտեր: Այն միշտ արթուն է եւ հստակ՝ իր մեջ ամփոփելով դեմքերը եւ վայրերը:

Հիշողությունը չունի ժամկետ, այն չի կարող խմբագրվել, չեղարկվել կամ ավարտված համարվել մեկ հրամանով: Քանի որ այն ամենը, ինչ տեղի է ունենում, չի անհետանում, այն միշտ թողնում է իր հետքերը եւ, ցավոք, երբեմն՝ նաեւ սպիները:

Այնպես որ, եկեք հիշենք եւ խոնարհումով մեր հարգանքի տուրքը մատուցենք 1915 թվականի Հայոց Ցեղասպանության անմեղ զոհերի հիշատակին:

ԼԱՇԱ ԲԱՔՐԱԶԵ. «ԱՅԼԵՎՍ ԵՐԲԵՔ ԶՊԵՏԷ ԹՈՒՅԼ ՏԱՆՔ ՆՄԱՆ ԱՂԵՏ»

ԹԲԻԼԻՍԻԻ Գ.ԼԵՈՆԻՁԵԻ ԱՆՎԱՆ ՎՐԱՑԱԿԱՆ ԳՐԱԿԱՆՈՒԹՅԱՆ
ՊԵՏԱԿԱՆ ԹԱՆԳԱՐԱՆԻ ՏՆՕՐԵՆ ԼԱՇԱ ԲԱՔՐԱԶԵԻ ԵԼՈՒՅԹԸ

(Սկիզբը՝ 4-րդ էջում)

Բեռլինում դատավարությանը մասնակցում էր երիտասարդ, հրեական ծագում ունեցող լեհ ուսանող Ռաֆայել Լեմկինը, ով այն ժամանակ լեզվաբանություն էր ուսումնասիրում Լվովի համալսարանում: Նա հենց այս գործընթացում իմացավ, որ այն ժամանակվա միջազգային իրավունքը՝ պետական ինքնիշխանությունից ելնելով, չէր նախատեսում այլ երկրում էթնիկ խմբերի ոչնչացման համար պատասխանատու անձի պատիժը: Նա դադարեց ուսումնասիրել լեզվաբանությունը եւ սկսեց ուսումնասիրել իրավագիտություն: Եվ հենց Ռաֆայել Լեմկինն է այն մարդը, ով ստեղծեց եւ հաստատեց «ցեղասպանություն» եզրը՝ բնորոշելու էթնիկ խմբերի կանխամտածված եւ համակարգված բնաջնջումը՝ Հայոց Ցեղասպանության օրինակով: Նա է գրել, եւ նա է էական դեր խաղացել 1948 թվականին ՄԱԿ-ի «Ցեղասպանության հանցագործությունը կանխարգելելու եւ պատժելու մասին» կոնվենցիայի ընդունման գործում:

Հայոց Ցեղասպանությունը, ցավոք, ոչ առաջինն էր, ոչ էլ վերջինը: Եթե շատ հեռու չգնանք, եկեք հիշենք թեկուզ հենց տասնիններորդ դարում Ռուսական կայսրությունում չերքեզների ցեղասպանությունը, էլ ոչինչ չասենք Նացիստական Գերմանիայի կողմից հրեաների բնաջնջման մասին:

Կարելու չէ խոսքը հարյուր հազարավոր, թե միլիոնավոր անմեղ սպանված մարդկանց մասին է: Մենք պետք է միշտ հիշենք մարդկության դեմ կատարված այս ոճրագործությունը:

Նր եւ հարգենք զոհերի հիշատակը: Ընդամենը մի քանի օր առաջ՝

ապրիլի 19-ին, նշվեց Վարշավայի գետտոյի ապստամբության 80-ամյակը: Այս միջոցառմանն առաջին անգամ մասնակցում էր գերմանական պետության առաջին դեմքը՝ Նախագահ Ֆրանկ-Վալտեր Շտայնմայերը: Նա ասաց, որ հրավերը ստանալու արդյունքում իրեն պատել են երախտագիտության եւ խոնարհումի զգացումները:

Լեհաստանի, Իսրայելի եւ Գերմանիայի նախագահները հարգանքի տուրք մատուցեցին Վարշավայի գետտոյում զոհվածների հիշատակին:

Այո՛, ներումը հնարավոր է, հաշտությունը հնարավոր է, բայց ոչ՝ մոռացության մատնելու հաշվին, ոչ պատմական հիշողությունից հրաժարվելու հաշվին, ոչ էլ՝ առանց ապաշխարության: Այն, ինչ մեզ դարձնում է Մարդ, նախաառաջ, հիշելու եւ անցյալը չմոռանալու մշակույթն է՝ որքան էլ դա ցավոտ լինի:

Խոսքս կավարտեմ այն մեջբերումով, որն իդիշերենով արտաբերեց նախագահ Շտայնմայերը իր ելույթի սկզբում: Եվ Ձեր թույլտվությամբ այն կփոխակերպեմ հայ ժողովրդի համար (քանի որ հրեա ժողովրդին եւ հայ ժողովրդին միավորում է այն անհավատալի աղետը, որը նրանց հետ տեղի է ունեցել քսաներորդ դարում, (The Age of Extremes), ինչպես եւ անվանել է այդ դարաշրջանը բրիտանացի մեծ պատմաբան Էրիկ Հոբսբաունը ծայրահեղությունների դարաշրջանում:

Կեցցե՛ք, ընկերներ: Կեցցե՛ս, հայ ժողովուրդ: Այլեւս երբեք չպե՛տք է թույլ տանք նման աղետ:

ԿՐԹԱԿԱՆ



ԳԻՈՐԳԻ ԱՄԻԼԱԽՎԱՐԻ. «ՈՒՄՈՒՑԻՉՆԵՐԻ ՄԱՍՆԱԳԻՏԱԿԱՆ ԶԱՐԳԱՅՄԱՆ ՄԻՆԵՄԱՆ ՓՈԽՎԵԼ Է, ՊՈՐՏՖՈԼԻՈՅԻ ՆԵՐԿԱՅԱՅՄԱՆ ԺԱՄԿԵՏԸ ԵՐԿԱՐԱԶԳՎԵԼ Է ՄԻՆՉԵՎ ՀՈՒՆԻՍԻ 1-Ը

Վրաստանի կրթության եւ գիտության նախարար Գիորգի Ամիլախվարին համապատասխան որոշումներ է ընդունել ուսուցիչների մասնագիտական զարգացման սխեմայի կատարելագործման վերաբերյալ:

Կրթության եւ գիտության նախարար Գիորգի Ամիլախվարիի խոսքով, ուսուցիչների հետ համագործակցության ծրագրերի, կարիերային ծրագրերի, կարիերային ծրագրերի հետ կապված մի շարք հարցեր. այն է՝ պորտֆոլիոյի չեղարկում կամ ժամկետի հետաձգում. պորտֆոլի պարզեցում, չափանիշների վերանայում, պորտֆոլի ներկայացման համար անհրաժեշտ փաստաթղթերի վերանայում, պորտֆոլի գնահատողների հարցը, ուսուցիչներին համակարգված աջակցության ուղիները:

Նախարարի խոսքով՝ բոլոր հարցերը մշակվել են հանրակրթական աշխատանքային խմբի ձեւաչափով եւ ընդունվել են մի շարք որոշումներ:

Քանի որ ուսուցչի պորտֆոլիոն ուսուցչի անհատական, գործնական գործունեությունն արտացոլող գործիք է, որը շատ կարեւոր է իրական պատկերը տեսնելու համար, եւ ուսուցչի մաս-

նագիտական գործունեությունը հնարավոր չէ գնահատել միայն քննության տեսքով, նախարարության որոշմամբ, պորտֆոլիոյի ներկայացման վերջնաժամկետը երկարացվել է մինչեւ հունիսի 1-ը: Այս ժամանակահատվածը նպատակ ունի կլինի ուսուցիչների համար՝ իրենց պորտֆոլիոները ժամանակին եւ որակով ներկայացնելու համար:

Պորտֆոլիոյի բեռնման եւ ներկայացման գործընթացում ուսուցիչները՝ որպես մարտահրավերներից մեկը, նշել են ապացույցների ներկայացումը, գործընթացների կիրառումը, ազդեցությունների նկարագրումը եւ տարբեր փաստաթղթերի պատրաստումը:

- Համապատասխանաբար, նախարարությունը վերանայել է պահանջները եւ պայմանավորվել ամենաօպտիմալ տարբերակի շուրջ: Մասնավորապես, հանվել է ուսուցչի գործնական գործունեության գրավոր նկարագրի պարտավորությունը: Ուսուցիչը

հարցազրույցի ընթացքում, որակավորված գնահատման խմբի առջեւ, բանավոր կներկայացնի իր գործունեության շնորհանդեսը: Բնականաբար, բանավոր հարցազրույցի ժամանակ, ուսուցիչը հնարավորություն կունենա գնահատող խմբի հետ քննարկել, թե որքան կարելու էր այս կամ այն ակտիվության իրականացումը, ինչ կապ գոյություն ունի այդ ակտիվության եւ ուսումնական գործընթացի միջեւ եւ ստանալ համապատասխան արձագանքներ, ասել է նախարարը:

Կրթության նախարարը հայտարարել է, որ հանվել է յուրաքանչյուր ուղղության համար բոլոր իրավասությունների ապացույցներ ներկայացնելու պարտավորությունը: Ուսուցիչը կարող է պորտֆոլիոյում բեռնել՝ ուղղության միայն մեկ իրավասության վերաբերյալ ապացույցները եւ հարցազրույցի գործընթացում, գնահատման խմբի հետ, քննարկել այդ ապացույցների համապատասխանությունը, դրանց կապը՝ ազգային ուսումնական ծրագրի ներդրման ու ուսումնադաստիարակչական որակի բարձրացման հետ:

Նախարարի պարզաբանմամբ՝

ճանաչակալի հարց է պորտֆոլիոյի գնահատման վարչարարությունը: Մի քանի փորձագետից կազմված գնահատման խումբը նախօրոք ուսումնասիրում է ուսուցչի կողմից ներկայացված նախագիծը, ակտիվությունները գրույցում դարձնելով մյուս ներկայացուցիչների հետ, հարցազրույց անկացնում հայտ ներկայացրած ուսուցչի հետ: Պորտֆոլիոյի գնահատման խումբը լինելու է ինկյուբիլ, որպեսզի ապահովվի գործընթացի քափանցիկությունը, գնահատման օբյեկտիվության բարձր մակարդակը եւ արժանապատիվության բարձր վստահությունը:

Ինչ վերաբերում է վերոնշյալ գործընթացի կապակցությամբ նախարարության դիրքորոշմանը, ապա այն լրիվությամբ ուղղված է լինելու ուսուցչի աջակցությանը: Բացի կենտրոնացված վարձանքներից, ուսուցիչներին կընձեռվի հնարավորություն մասնագիտական զարգացման ազգային կենտրոնից ստանալ անհատական խորհրդատվություն կոնկրետ



հարցերի վերաբերյալ, ընդ որում, խորհրդատվությունը կարող է իրականացվել առցանց: Հետեւաբար, ուսուցիչների առջեւ չի ծառանա բարդություն այս կամ այն սպասարկման ընդունման հարցում:

Կրթության նախարարը նշել է նաեւ, որ չնայած այն հանգամանքին, որ պորտֆոլիոյի ներկայացման ժամկետը երկարացված է, ուսուցիչները կարող են բարձրացված կարգավիճակի հավելումից օգտվել 2023-2024 ուսումնական տարվանից:

ԿԱՐԻՆԵ ՄԱՆՈՒԿՅԱՆ

ՀԱՐՑ - ՊԱՏԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ԿԵՆՑԱՂԱՅԻՆ

ԱՌՈՂՋԱՊԱՀՈՒԹՅՈՒՆ

ԻՆՉՊԻՍԻՆ Է ԻԴԵԱԼԱԿԱՆ ՄՆՆԴԱԿԱՐԳԸ ԵՎ ԿԱՄ՝ ՄՆՆԴԱԿԱՐԳ ՆՈՍՏՐԱԴԱՄՈՒՄԻՑ

Սովորաբար, սննդակարգ (դիետա) է սահմանվում առանձին հիվանդությունների դեպքում: Հետաքրքիր է գոյություն ունի՞, արդյոք, իդեալական սննդակարգ, որն ընդունելի է բոլոր պայմաններում: Գ. ՀԱՐՈՒԹՅՈՒՆՅԱՆ



Մառնեուլիի մունիցիպալիտետ, Շահումյան ավան

Իրոք, ամեն հիվանդություն ունի իր անհրաժեշտ սննդակարգը: Բժիշկն անպայման հիվանդին հայտնում է այդ մասին: Սակայն դիետիկ սնունդը պետք է չլինի ամհամ ու տհաճ հիվանդի համար: Չարկ է հիշել, երբ չկա բուժական սննդակարգ, չկա եւ արդյունավետ բուժում: Պետք է խստորեն հետեւել բժշկի նշած սննդակարգին, հակառակ դեպքում դա կարող է ճակատագրական լինել որոշ հիվանդությունների ժամանակ:

Սննդակարգը բուժման մի մասն է, որը, հատկապես ծանր դեպքերում, կարելի է նշանակություն ունի:

Հավանաբար, քչերը գիտեն, որ նշանավոր գուշակ Նոստրամուսը եղել է նաեւ հրաշալի սննդաբան: Նա խորհուրդներ էր տալիս, թե ինչպես գործածել բուժական խոտաբույսեր, ինչպես սնվել եւ սննդի միջոցով բուժել բազմաթիվ հիվանդություններ: Նրա աշխատություններից մեկում («Ինչպե՞ս է սխտորը պահպանում օրգանիզմի երիտասարդությունը») հավաքված են հին բժիշկների հայտնի բուժական միջոցներ: Սխտորն օգնում է ռեւմատիզմի, ստամոքսի խանգարումների, փորկապության, գլխացավի դեպքում, լավացնում է արյան շրջանառությունը: Ահա մի քանի մտքեր այդ աշխատությունից. «Գրպանում միշտ կրեք սխտոր, որը կպաշտպանի վարակից», «Ուտելուց առաջ կրեք մի պեղել սխտոր, որը կթարմացնի օրգանիզմը եւ կպահպանի երիտասարդությունը»: Հետաքրքիր է, որ Նոստրամուսի մտքերը համընկնում են տիբեթյան բժշկության կանոնների հետ:

ՀԵՏԱՔԵՐԻ Է...

ԵՍ ԳԻՏԵՄ, ՈՐ ՈՉԻՆՉ ԶԳԻՏԵՄ



Երազների մասին չափ է գրվել ու ասվել, սակայն գիտականորեն ոչ մի խելամիտ պարզաբանում չի տրվել: Հետաքրքիր է, չէ՞ն ասում, թե՞, իրոք, չգիտեն ինչ ասել: Տ. ՍԱՐԳՍՅԱՆ Նիհոժմինդա

Հնում մարդիկ երազներին շատ լուրջ էին վերաբերվում: Օրինակ, Հռոմեական կայսրությունում երազը նույնիսկ կարող էր Սենատում ներկայացվել պետական այրերին, որպեսզի նրանք այն վերլուծեին եւ ճիշտ եզրահանգումներ անեին: Ռազմական արշավանքների ժամանակ երազներ մեկնաբանող խորհրդականներն ուղեկցում էին զորավարներին: Նաեւ շատ դեպքեր են հայտնի այն մասին, որ բազմաթիվ հանճարների եւ գիտնականների լավագույն գաղափարներն ու հայտնա-

գործությունները հենց երազում են հայտնվել: Այդ օրինակներից են Մենդելեևի կողմից հայտնաբերված քիմիական տարրերի աղյուսակը եւ Մաշտոցի ստեղծած Հայոց այբուբենը:

Այս ամենը ո՛չ կարելի է հերքել, ո՛չ էլ ապացուցել: Բայց մի բան հաստատ է, աշխարհը լի է չբացահայտված գաղտնիքներով: Այնպես որ, մ.թ.ա. 5-րդ դարում ապրած Սոկրատեսի փիլիսոփայական միտքն արդիական է նաեւ այսօր եւ արդիական կլինի ընդմիշտ՝ «Ես գիտեմ, որ ոչինչ չգիտեմ»:

ԶԱՐՄԱՆԻ ՓԱՏՏ

ՄԱՄՈՒԿԱՆ ԿԵԽՈՒՐԱՅՈՒՄ ԲՈՒՆԵԼ Է 2,5 ՄԵՏՐԱՆՈՑ ԼՈՔՈ

Վրաստանի Մամուկա Ղուրաշվիլին Սենակիում, Կեխուրա գետում, բռնել է 2,5 մետր երկարությամբ 70 կգ քաշով լոքո:

Հատկանշական է, որ ձկնորսը այդ վիթխարի ձուկը բռնեց սովորական կարծով եւ կարողացավ այն դուրս բերել ջրից: Ինչպես նշեց Մամուկա Ղուրաշվիլին, իր կարծը նախատեսված էր մինչեւ 100 կգ ձուկ որսալու համար:



ԻՆՉՊԵՍ ԳԻՄԱԿԱՅԵԼ ՀԵՌԱԽՈՍԱՅԻՆ ԽԱՐԳԱԽՆԵՐԻՆ

Բջջային կապի շնորհիվ այսօր կարելի է շատ հարցեր լուծել տնից՝ վճարումներ կատարել, պատվիրել սննդամթերք, ապրանքներ եւ ծառայություններ, ինչպես նաեւ առցանց ռեժիմով կառավարել բանկային հաշիվները: Դժբախտաբար, փողերի վիրտուալ հասանելիությունը շատ զայթափույթ է աշխարհի շատ շահախարդախների համար, ովքեր վաղուց բջջային հեռախոսներն օգտագործում են սեփական շահի համար: Խաբելու մեթոդները բազմազան են: Ընդ որում, խաբեբաները կարողանում են հորինել բաժանորդներից փող գողանալու մոր մեթոդներ: Դժբախտաբար, շատերը նման խաբեության զոհ են դարձել եւ տուժել են իրենց դյուրահավատության եւ անտեղյակության պատճառով:



Wangiri-ն գործողության մեջ

Ճապոնիայում հայտնված հեռախոսային սպամի՝ Wangiri խորհրդավոր բառի հետեւում (մեկ զանգ) թաքնված է խարդախության սխեման: Ինչ որ մեկը զանգահարում է ձեզ անհայտ համարից, սակայն հենց դուք պատասխանում եք, զանգը կտրուկ ավարտվում է: Դուք հետ եք զանգում անծանոթ համարին, սակայն ձեզ պատասխանում է ավտոհաղորդիչը, որի նպատակն է՝ հնարավորինս երկար պահել ձեզ գծի վրա, որպեսզի ձեր հաշվից փող ստանան:

Հեռախոսային խարդախությունների հայտնի ձևերը կամ՝ ամեն ինչ SMS հաղորդագրությունների տարածման մասին

Դժբախտաբար, Wangiri-ն հեռախոսային խարդախության միակ ձևը չէ: Բջջային խարդախները լայնորեն օգտագործում են SMS հաղորդագրությունների տարածումը, ինչի օգնությամբ խաբեության տարբեր ձևերով մարդկանցից կորզում են ոչ մեծ գումարներ եւ տուժում են բազմաթիվ մարդիկ: Այս մեթոդի կիրառման դեպքում բաժանորդների հեռախոսներին գալիս է SMS հաղորդագրություն, որտեղ նշվում է, որ տվյալ մարդը շահել է մեծ գումար, մեքենա, ուղեւորություն եւ այլն: Շահումը վերցնելու մասին ավելի ստույգ տեղեկություն ստանալու համար՝ խնդրում են կա՛ն SMS հաղորդագրություն ուղարկել նույն համարին, կա՛ն փողիկ գումար փոխանցել նշված հաշվեհամարին: Մարդկանց լայն զանգվածի հետ աշխատելով՝ խաբեբաները մեծ գումարներ են հավաքում SMS հաղորդագրությունների տարածման վրա:

Որքա՞ն կարող է արժենալ հասարակ «Ողջույնը»

Բջջային հեռախոսների հայտնվելուն պես մարդկանց լայն շրջանակի մոտ՝ տատկներից մինչեւ դպրոցական, մեծ տարածում ստացան SMS-ի հետ կապված հեռախոսային խարդախությունները, որոնցում նշվում է մոտավորապես հետեւյալը. «Ողջույն, տատիկ կամ ողջույն, ընկեր, խնդրում եմ հեռախոս շտապ լիցքավորիր 1 լարիով»: Թվում է, թե դուք ստացել եք սովորական հաղորդագրություն ձեր մտերմից: Դուք շտապում եք դեպի վճարային տերմինալ կամ նշված գումարը փոխանցում հենց ձեր հեռախոսահամարից: Սակայն, արդյունքում, գումարը փոխանցվում է ոչ թե ձեր մտերմին, այլ խաբեբաներին:

Դուք դեռ չե՞ք մարել ձեր վարկը

Հեռախոսային խաբեբաներն ավելի հաճախ են սկսել գողանալ բաժանորդի անձնական տեղեկատվությունը՝ բանկում նրա անձնական հաշիվը կտրելու նպատակով: Դուք ստանում եք SMS հաղորդագրություն, որտեղ նշված է, որ ձեր վար-

կը չի մարվել եւ պետք է հետեւյալ հեռախոսահամարով շտապ կապվել բանկային աշխատակցի հետ: Ձարմանալի է այն փաստը, որ վարկի բացակայության պարագայում անգամ մարդն ամեն դեպքում զանգում է նշված հեռախոսահամարով եւ պատասխանում բոլոր հարցերին՝ անգամ չկռահելով, որ իր հետ խաբեբա է գրուցում: Զե՞ որ ավելի պարզ է զանգահարել բանկի պաշտոնական կայքում նշված հեռախոսահամարին, եւ բոլոր հարցերը քննարկել իրավասու աշխատակցի հետ:

Յոթ պարզ կանոններ՝ հեռախոսային խարդախներին արժանի պատասխան տալու համար

Ստորեւ ներկայացնում ենք յոթ պարզ կանոններ, որոնք կմեծացնեն հեռախոսային խարդախների զոհ չդառնալու հնարավորությունները:

◆ Եթե ձեզ զանգահարում է ձեր հարազատը՝ օգնության խնդրանքով, խնդրեք նրան նկարագրել իր արտաքինը կամ տվեք այնպիսի հարցեր, որոնց պատասխանները կարող է իմանալ միայն նա: Դրանք, հնարավոր է լինեն նրան կամ ձեր անձնական կյանքին վերաբերող հարցեր:

◆ Եթե հեռախոսով ձեզ հետ ուսիկան է գրուցում, խնդրեք ներկայանալ եւ նշել ծառայության վայրը: Դուք կկարողանաք զանգել այնտեղ եւ պարզել այդպիսի աշխատակցի առկայությունը: Դա ձեզանից հինգ րոպե կխլի, բայց կտնտեսի ձեր փողերը:

◆ Կարելի է նաեւ հետ զանգել այն մարդուն, ում մասին խոսք է գնում, նրա բջջայինին, իմանալ, թե չի՞ հայտնվել, արդյոք, ինչ-որ տհաճ իրավիճակներում, խնդրե՛ք է, արդյոք, ձեր օգնությունը:

◆ Մեկ ուրիշ համարից հաղորդագրություններ ստանալով ձեր ընկերներից կամ ծանոթներից՝ իրենց հաշիվը լիցքավորելու համար, մի՛ ծուլացեք, զանգահարեք եւ համոզվեք, որ հենց իրենք են խնդրել այդ մասին:

◆ Հիշեք, եթե իմացել եք, որ մեքենա եք շահել ինչ-որ խաղարկության արդյունքներով՝ չմասնակցելով որեւէ ակցիայի, ապա դա, ամենայն հավանականությամբ, խարդախություն է, եւ պետք է դրան հավատալ: Հակառակ դեպքում ռիսկի եք դիմում թե՛ առողջության, թե՛ գումարի տեսանկյունից:

◆ Հիշեք՝ ոչ մի բան կի հաճախորդից չի պահանջում ասել քարտի գաղտնաբառը կամ CVV-կոդը: Դա կարող են պահանջել միայն խարդախները:

◆ Եթե օտարերկրյա անծանոթ համարից զանգ եք ստացել, որն ընդհատվել է, հետ մի՛ զանգեք, որ չդառնաք հեռախոսային խարդախների զոհ:

ԹԵՎԱՎՈՐ ՄՏՔԵՐ

➤ Հաջողությունն այցելում է միայն նրանց, ովքեր գործում են: Այն շատ հազվադեպ է այցելում նրանց, ովքեր հանգամանքների առջեւ տեղի են տալիս:

ԶԱԿԱՅՈՒԼ ՆԵՐՈՒ

➤ Ճանփորությունները շատ ավելի ուսանելի են, քան որեւէ այլ բան: Երբեմն այլ վայրերում անցկացրած ընդամենը մեկ օրը շատ ավելին է տալիս,

քան տանն անցկացրած տասը տարին: ԱՆԱՏՈՒ ՖՐԱՆՍ

➤ Անկեղծությունը վստահություն է, այն բարձրաձայն մտորելու հիմար սովորություն է:

Ա. ՄԻՄՈՆՅԱՆ

«Վրաստանի» ընթերցող

Վխալքալաքի մունիցիպալիտետ



ՀԱՅԱՍՏԱՆ. Փառքեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՀԱՐՈՒՄԻ ՏՈՒՐԷ` ՀԱՅՈՑ ԳԵՂԱՍՊԱՆՈՒԹՅԱՆ ՉՈՂԵՐԻ ՀԻՇԱՏԱԿԻՆ

(Սկիզբը` 1-ին էջում)

Ապրիլի 24-ին Ն.Ս.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը, Մայր Աթոռ Սուրբ Էջմիածնի միաբանների ուղեկցությամբ, այցելեց Ծիծեռնակաբերդի հուշահամալիր՝ ոգեկոչելու Հայոց Ցեղասպանության սուրբ նահատակների հիշատակը:

Վեհափառ Հայրապետի նախագահությամբ կատարվեց Հայոց Ցեղասպանության սուրբ նահատակների բարեխոսական կարգ:

Օրվա առիթով` Ծիծեռնակաբերդի հուշահամալիր էր բերվել նաեւ Հայոց Ցեղասպանության սրբոց նահատակաց մասունքարանը:

Օսմանյան կայսրության կողմից 1915թ. հայերի նկատմամբ իրականացված Ցեղասպանությունը 20-րդ դարասկզբի մեծագույն ոճրագործությունն էր: Աշխարհասփյուռ հայությունն ու ողջ

աշխարհը հիշատակում է Հայոց Ցեղասպանության 108-րդ տարելիցը:

Օսմանյան կառավարության կողմից իրականացրած Հայոց Ցեղասպանության փաստը հիմնավորվել, ճանաչվել ու հաստատվել է ականատեսների վկայություններով, օրենքներով, բանաձեւերով եւ բազմաթիվ նահանգների ու միջազգային հեղինակավոր կազմակերպությունների որոշումներով: Եվ այսօր Հայոց Ցեղասպանությունը պաշտոնապես ճանաչվել ու դատապարտվել է աշխարհի շուրջ 41 երկրների, միջազգային բազում կազմակերպությունների ու միավորումների, առանձին երկրների մարզերի ու նահանգների, քաղաքների օրենսդիր մարմինների կողմից:


Հատկանշական է, որ առանձին երկրներում, մասնավորապես, Ֆրանսիայում



Հայոց Ցեղասպանության մերժումը օրենսդրորեն համարվում է քրեական հանցագործություն:

Երեւանի Հայոց Ցեղասպանության թանգարան-ինստիտուտի եղեմիների պուրակում 210 եղեմի է, տնկվել են 41 պետությունների պաշտոնական եւ ոչ պաշտոնական ներկայացուցիչների կողմից:

ՋՈՒՐԱԴԵՆ. «ԱՅՍՈՐ ՄԵՆԷ ՂԱՂԱՐ ԵՆԷ ՎԵՐՅՆՈՒՄ` ՀԻՇԵԼՈՒ ՄԵԾ ԵՂԵՌՆԻ ՉՈՂԵՐԻՆ ԵՎ ԹԱՐՄԱՅՆՈՒՄ ԵՆԷ ՄԵՐ ԽՈՍՏՈՒՄԸ` ԵՐԲԵՔ ՉՍՈՒՄՆԱԼ»



Ամերիկայի Միացյալ Նահանգների Նախագահ Ջո Բայդենը ուղերձ է հղել Հայոց Ցեղասպանության 108-րդ տարելիցի կապակցությամբ:

- Այսօր մենք դադար ենք վերցնում` հիշելու Մեծ եղեռնի` Հայոց Ցեղասպանության զոհերին եւ թարմացնում ենք մեր խոստումը` երբեք չմոռանալ:

Այս ցավալի պատմությունը հիշելիս, միանալով աշխարհի տարբեր երկրներին, մենք անդրադառնում ենք նաեւ հայ ժողովրդի տոկոսությանն ու վնասակարությանը: Ողջ մնացածներից շատերը ստիպված եղան մոր կյանք սկսել մոր երկրներում, այդ թվում` Միացյալ Նահանգներում: Նրանք վերակառուցեցին իրենց համայնքները: Նրանք

դաստիարակեցին իրենց ընտանիքները եւ պահպանեցին իրենց մշակույթը: Նրանք հզորացրին մեր ազգը: Նրանք պատմեցին նաեւ իրենց ու իրենց նախնիների պատմությունները` հիշելու եւ համոզվելու, որ 108 տարի առաջ տեղի ունեցած Ցեղասպանությունն այլեւս երբեք չկրկնվի:

Այսօր, եկեք թարմացնենք այս խոստումը: Եկեք կրկին պարտավորվենք դեմ արտահայտվել ատելությանը, պաշտպանել մարդու իրավունքներն ու կանխել վայրագությունները: Եկեք միասին կրկնապատկենք մեր ջանքերը` կերտելու ավելի լավ ապագա, որտեղ բոլոր մարդիկ կարող են ապրել արժանապատվությամբ, ապահով ու հարգանքով,- նշեց Ջո Բայդենը:

ԹՈՒՐԻԱՅԻ «ԿԱՆԱԶՆԵՐԻ ԶԱԽ» ԿՈՒՍԱԿՑՈՒԹՅՈՒՆԸ ԱՆՑԿԱՑՐԵՑ ՀԱՅՈՑ ՑԵՂԱՍՊԱՆՈՒԹՅԱՆ ՀԻՇԱՏԱԿԻ ՄԻՋՈՑԱՌՈՒՄ

Թուրքիայում գործող «Կանաչների ծախ» կուսակցության անդամները` Ստամբուլի Քուրթուլուշ թաղամասում (հին անվանումը` Թաթալլա), որտեղից 108 տարի առաջ սկսել է հայերի Ցեղասպանությունը, Ցեղասպանության օրվան նվիրված հիշատակի միջոցառում են անցկացրել:

Միջոցառմանը ելույթ է ունեցել «Կանաչների ծախ» կուսակցության պատգամավորի թեկնածու, 1915 թվականի Հայոց Ցեղասպանության կազմակերպիչ Ջեմալ փաշայի թոռ Հասան Ջեմալը:

- Միտելի Հրանտ Դինքի ցավն է ինձ այստեղ բերել: Միտելի Հրանտ Դինքի ցավն ինձ ծանոթացրեց սիրելի հայ ժողովրդի ցավին: Հրանտ Դինքի շնորհիվ ես սկսեցի հասկանալ այս հողի առհասարակ ոչ լավ էքերը: 2017 թվականին գրածս գիրքը կրում է 1915 թվականի Հայոց Ցեղասպանություն անունը, եւ, ինչպես ասացի, Հրանտ Դինքի ցավը

եղել է նաեւ գիրքը գրելու ժամանակ: Ես այսօր այստեղ եմ կիսելու իմ հայ եղբայրների ցավը,- ասաց Հասան Ջեմալը:

Կուսակցության մեկ այլ անդամ Անի Քալը, ներկայացնելով կուսակցության Շիշլիի գրասենյակի հայտարարությունը, նշեց.

- Թշնամության, ատելության եւ կոտորածի վրա կառուցված հասարակությունները, փախչելով ճշմարտությունից ու վախենալով առերեսվել իրենց անցյալին, չեն կարող քայլել դեպի գեղեցիկ ապագա: Հմարավոր է միասին խաղաղ ապրել մի երկրում,



որտեղ հասարակության մի մասն անընդհատ անհանգստանում է անվտանգության համար: Այս երկիրն այժմ պետք է առերեսվի իր պատմության հետ: Պետք է վերջ տալ թշնամանքի եւ ատելության քաղաքականությանը, եւ ռասիզմը չպետք է հանդուրժվի,- հավելեց Քալը:

ՀՈՒՄԻ ՖՐԱՆՑԻՍԿՈՍ ՊԱՊ. «ԳՐԻԳՈՐ ՆԱՐԵԿԱՅԻՆ` ՀԱՄԵՆԴԱՆՈՒՐ ՀԱՄԵՐԱՇԽՈՒԹՅԱՆ ԹԱՐԳՄԱՆ»

Վատիկանի Սուրբ Պետրոս հրապարակում, ապրիլի 26-ին կայացած ավանդական գլխավոր ունկնդրության ընթացքում, Հռոմի Ֆրանցիսկոս Պապը մասնավորապես անդրադարձել է Գրիգոր Նարեկացուն` նրան անվանելով համընդհանուր համերաշխության թարգման:

Խոսելով «Մատյան ողբերգության» աղոթքների ժողովածուի մասին` Ֆրանցիսկոս Պապն ասել է, որ «Սուրբ Գրիգոր Նարեկացուն` նրան անվանելով համընդհանուր համերաշխության թարգման:

գոր Նարեկացին հայ վանական էր, ով մեզ թողեց աղոթքի գիրք, որում ձուլվեց հայ ազգի` քրիստոնեությունը ողջագուրող առաջին ժողովրդի հավատքը...: - Գրիգոր Նարեկացին համաշխարհային, համընդհանուր սիրո` որին կոչված են բոլոր քրիստոնյաները, փայլուն օրինակ է»:

Նորին Սրբությունը նշել է նաեւ, որ հայ վանականն իր ամբողջ կյանքն ապրեց Նարեկի Վանքում, ուր նա «սովորեց ուշադրությամբ զննել մարդկային հոգու խորքը եւ, աղոթքն ու բանաստեղծությունը միաձուլելով, նշանավորեց թե՛ հայ գրականության եւ թե՛ հայ հոգեւոր ժառանգության

գազաթնակետը»:

Հայ սրբի մասին Հռոմի Պապի խոսքն արտացոլված է «Վատիկան Նյուզ»-ի գրեթե չորս տասնյակ լեզուներով, այդ թվում` արեւմտահայերենով, անգլերենով, ֆրանսերենով, պորտուգալերենով, ռուսերենով:

Հիշեցնենք, որ 2015թ. ապրիլի 12-ին, Վատիկանի Սուրբ Պետրոսի տաճարում, Հայոց Ցեղասպանության 100-րդ տարելիցին նվիրված պատարագի ընթացքում, Հռոմի քահանայապետը հայ միջնադարյան հոգեւորական-աստվածաբանին հռչակել է Տիեզերական եկեղեցու վարդապետ, իսկ 2021թ. փետրվարի 2-ին, Ֆրանցիսկոս Պապի հրամանագրով, Հռոմեական գլխավոր օրացույցում, փետրվարի 27-ը ներառվել է որպես Սուրբ Գրիգոր Նարեկացու հիշատակի օր:

ԱՌԱՋԻՆ ԶԱՐԱԶԱԿԱՆ ԽՈՐՀՐԳԱԿՈՒԹՅՈՒՆՆԵՐԸ` ԵՆԱԿՈՒՄ ԶԵՎԱՅԱՌՈՎ

Ապրիլի 20-ին, Երեւանում կայացավ Հայաստանի, Իրանի եւ Հնդկաստանի արտաքին գործերի նախարարությունների միջեւ եռակողմ չեւաչափով առաջին քաղաքական խորհրդակցությունները:

Հանդիպմանը, մասնավորապես, քննարկվել են տնտեսական, տարածաշրջանային հաղորդակցային ուղիներին առնչվող հարցեր, նախանշվել են մշակութային եւ միջմարդկային կապերի խորացման եւ տարբեր ոլորտներում եռակողմ համագործակցության հեռանկարները: Կողմերը պայմանավորվել են շարունակել համագործակցությանը միտված եռակողմ չեւաչափով խորհրդակցությունները:

ՊԱՐԳԵՎ ՀԱՅԱՍՏԱՆԻՆ` ԾԱՆՔԱՄԱՐՏԻ ԱՌԱՋՈՒԹՅԱՆ ՀԱՅՈՐ ԿԱԶՄԱԿԵՐՊՄԱՆ ՀԱՄԱՐ

Ծանրամարտի եվրոպական ֆեդերացիան հատուկ պարգևատրության է արժանացրել Հայաստանին` ծանրամարտի եվրոպայի առաջնությունը լավագույնս կազմակերպելու համար:

Եվրոպայի ծանրամարտի ֆեդերացիայի (EWF) նախագահ Անդրեյ Կոնֆլիպին` Հայաստանի վարչապետի աշխատակազմի ղեկավար, Եվրոպայի առաջնության կազմկոմիտեի նախագահ Արայիկ Հարությունյանին եւ ՀՀ ԿԳՄՍ նախարարի տեղակալ Կարեն Գիլոյանին պարգևատրել է հատուկ հուշանվերներով` ի նշան անթերի կազմակերպված առաջնության:

ԳՅՈՒՄՐԻՆ` 2024 ԹՎԱԿԱՆԻ ԱՊՂ ՄԱՐԱԿԱՆ ՄԱՐԱԶԱԿԱՆ

Գյումրին 2024 թվականին կլինի Անկախ պետությունների համագործակցության սպորտային մայրաքաղաքը: Ռուսաստանի արտաքին գործերի նախարար Սերգեյ Լավրովի խոսքով` որոշում է ընդունվել, որ այս տարի ԱՊՀ-ի սպորտային մայրաքաղաքը կլինի Մինսկը, իսկ 2024 թվականին` հայկական Գյումրին:

ՏՆՏԵՍԱԿԱՆ ԱԿՏԻՎՈՒԹՅԱՆ ԱՋԵ ԿԱԶՄԵՆ Է 12,2 ՏՈՂՈՍ

Հայաստանի վիճակագրական կոմիտեի տվյալներով` Հայաստանի տնտեսական ակտիվության ցուցանիշը, 2023 թվականին հունվար-մարտ ամիսներին, 12.2 տոկոսով ավելացել է նախորդ տարվա նույն ժամանակահատվածի համեմատ: Արդյունաբերական արտադրանքի ծավալը, այս տարվա հունվար-մարտին, նախորդ տարվա նույն ժամանակահատվածի համեմատ, ավելացել է 3.6 տոկոսով: Իսկ գյուղատնտեսական համախառն արտադրանքի ծավալը` տարվա առաջին 3 ամսում ավելացել է 1.4 տոկոսով: Հիմնարարության ծավալը 2023-ի 3 ամիսներին, նախորդ տարվա նույն ժամանակահատվածի համեմատ, ավելացել է 15.6 տոկոսով: Արտաքին առեւտրաշրջանառության ծավալն այս տարվա հունվար-մարտին, նախորդ տարվա նույն ժամանակահատվածի համեմատ, աճել է 2 անգամ: Ընդ որում, նախորդ տարվա առաջին 3 ամիսների համեմատ, արտահանումն աճել է 2.3 անգամ, իսկ ներմուծումը` 89.1 տոկոսով:

ԲԱՐՁՐԱՅԵՆ Է ՍԵՎԱՆԱ ԱՅՐ ՄԱՐԱԶԱԿԱՆ

2023 թվականի ապրիլի 17-26-ն ընկած ժամանակահատվածում Սեւան լճի մակարդակը բարձրացել է երկու սանտիմետրով` հասնելով 1900 մետր 37 սանտիմետր միջին, ինչը 12 սանտիմետրով ցածր է մնում նախորդ տարվա նույն օրվա նիշից: Այս տարվա հունվարից 1-ից մինչև ապրիլի 26-ն ընկած ժամանակահատվածում Արփա-Սեւան թունելային ջրադարձով արդեն Սեւան լիճ է լցվել 25 միլիոն 967 հազար խորանարդ մետր ջուր: Սեւան լիճ թափվող գետերում դիտվել է ջրի էլքերի մեծացում:

ՍՊՈՐՏ

ՇԱՆՐԱՄԱՐՏ. ԼԱՇԱ ՏԱԼԱՆԽԱՋԵՆ՝ ԵՎՐՈՊԱՅԻ ԱՐԴԵՆ ՅՈԹԱԿԻ ՉԵՄՊԻՈՆ



Երեւանում, ապրիլի 15-23-ին, անցկացվեց Եվրոպայի ծանրամարտի առաջնությունը, որին մասնակցում էին 40 երկրների 318 մարզիկ-մարզուհիներ:

+109 կգ քաշային կարգում օլիմպիական խաղերի կրկնակի, աշխարհի վեցակի չեմպիոն Լաշա Տալախաձեն յոթերորդ անգամ դարձավ Եվրոպայի չեմպիոն: Այդ քաշային երկրորդ եւ երրորդ տեղերը զբաղեցրին Հայաստանի հավաքականի անդամներ Վարազդատ Լալայանը եւ Սիմոն Մարտիրոսյանը:

Վրաստանի հավաքականից ոսկե մեդալի արժանացավ նաեւ Շոթա Միշվելիձեն (61կգ), արծաթե մեդալ նվաճեցին Ռամին Շամիլիշվիլին (55կգ), Իրակլի Չխեիձեն (102կգ), Գիորգի Չխեիձեն (109կգ) եւ Անաստասիա Գոտֆրիդը (+87կգ):

Հայաստանի հավաքականից ոսկե մեդալի արժանացան Գոռ Սահակյանը (67կգ), Դավիթ Հովհաննիսյանը (96կգ), Գարիկ Կարապետյանը (102կգ), Սամվել Գասպարյանը (109կգ), արծաթե մեդալ նվաճեցին Անդրանիկ Կարապետյանը (89կգ), Արա Աղանյանը (96կգ), Վարազդատ Լալայանը (+109կգ), Տաթև Հակոբյանը (76կգ), բրոնզե մեդալ նվաճեցին Ռաֆիկ Հարությունյանը (81կգ), Պետրոս Պետրոսյանը (109կգ), Սիմոն Մարտիրոսյանը (+109կգ), Իզաբելլա Յայլյանը (55կգ) եւ Հռիփսիմե Խուրշուդյանը (87կգ):

Ընդհանուր թիմային հաշվարկում առաջին տեղը 13 (4 ոսկե, 4 արծաթե, 5 բրոնզե) մեդալով զբաղեցրեց Հայաստանի հավաքականը: Վրաստանի թիմը 6 (2 ոսկե, 4 արծաթե) մեդալով երրորդն էր: Երկրորդ տեղում 5 (3 ոսկե, մեկական արծաթ, բրոնզ) մեդալով Ռումինիայի հավաքականն էր:

ԼԱՇԱ ՏԱԼԱՆԽԱՋԵ. «ՄԻՇՏ ՄԵԾ ՀԱՃՈՒՅՔՈՎ ԵՄ ԵԼՈՒՅՐ ՈՒՆԵՆՈՒՄ ՀԱՐԱՋԱՏ ՈՒ ԶԵՐՄ ԵՐԵՎԱՆՈՒՄ»

«Վրաստանը» հեռախոսով կապվեց Լաշա Տալախաձեի հետ, շնորհավորեց մարզիկին հերթական հաղթանակի առիթով:

- Միշտ մեծ հաճույքով եմ ելույթ ունենում Երեւանում, ինձ համար հարազատ ու ջերմ այս քաղաքում: Ուրախ եմ, որ կարողացա հաղթել, ուրախ եմ նաեւ, որ ողջ պատվանդանը զբաղեցրինք մենք՝ ես եւ Հայաստանը ներկայացնող Վարազդատն ու Սիմոնը: Հալալ լինի տղաներին, նրանք մինչեւ վերջ պայքարեցին:

ՀՈՒՆԱՀՈՍԵԱԿԱՆ ԸՄԲԵԱՄԱՐՏ. ԹԻՄԱՅԻՆ ՀԱՇՎԱՐԿՈՒՄ ՎՐԱՍՏԱՆԸ ԵՐՐՈՐԴՆ ԷՐ, ՀԱՅԱՍՏԱՆԸ՝ ԶՈՐՐՈՐԴ

Խորվաթիայի մայրաքաղաք Ջագրեբում եզրագիծը հատեց հունահռոմեական ոճի ըմբշամարտի Եվրոպայի առաջնությունը:

Վրաստանի հավաքականը, իր ակտիվում գրանցելով մեկ ոսկե, մեկ արծաթե եւ 3 բրոնզե մեդալներ, թիմային հաշվարկում զբաղեցրեց 3-րդ հորիզոնականը:

Վրաստանի հավաքականից Լեոն Աբուլաձեն՝ 63 կգ քաշային կարգում, նվաճեց մայրցամաքի չեմպիոնի կոչումը, 67 կգ քաշային կարգում Ջոնի Խեցուրիանին արժանացավ արծաթե, իսկ Նուզգար Շուրոնուիան (55կգ), Լաշա Գոբաձեն (87կգ) եւ Իսկոբ Քաջախան (130կգ)՝ բրոնզե մեդալ:

Այդ մրցաշարում Հայաստանի թիմը երկու ոսկե եւ մեկ բրոնզե մեդալներով չորրորդն էր:

Օլիմպիական խաղերի եռակի մեդալակիր, աշխարհի բազմակի չեմպիոն Արթուր Ալեքսանյանը, 97 կգ քաշային կարգում, 6-րդ անգամ նվաճեց Եվրոպայի չեմպիոնի կոչումը: Իր ակտիվում մայրցամաքի չեմպիոնի ոսկե մեդալ գրանցեց նաեւ Մալխաս Ամոյանը (77 կգ): Առաջնության բրոնզե մեդալը նվաճեց Հրաչյա Պողոսյանը (63 կգ):

Նշենք, որ մինչ այդ Ջագրեբում անցկացվեց ազատ ոճի ըմբշամարտի Եվրոպայի առաջնությունը, որտեղ Վրաստանի հավաքականը, իր ակտիվում գրանցեց մեկ ոսկե, մեկ արծաթե եւ չորս բրոնզե մեդալներ, իսկ Հայաստանի մարզիկները նվաճեցին երկու ոսկե մեդալ:

ՇԱԽՄԱՏ. ԱՆԱՍՏԱՍԻԱ ԿԻՐԹԱՋԵՆ ԵՎ ԼՈՒԿԱ ԿԻԼԱՋԵՆ՝ ԳՊՐՈՋԱԿԱՆՆԵՐԻ ԱՇԽԱՐՀԻ ԱՌԱՋՆՈՒԹՅԱՆ ՉԵՄՊԻՈՆՆԵՐ

Վրացի շախմատիստուհի Անաստասիա Կիրթաձեն, 9 հնարավորից 7,5 միավոր հավաքելով, մինչեւ 15 տարեկան աղջիկների մեջ գրավեց առաջին տեղը՝ դպրոցականների աշխարհի առաջնությունում:

Նշենք, որ 12 տարվա ընդմիջումից հետո, Անաստասիա Կիրթաձեն առաջին վրացի շախմատիստն է, ով հաղթեց աշխարհի երիտասարդական առաջնությունում:

Իսկ տղաների մրցաշարում, 21-ամյա ընդմիջումից հետո, դպրոցականների աշխարհի չեմպիոնի կոչումը նվաճեց Լուկա Կիլաձեն: 9 հնարավորից հավաքելով 7 միավոր՝ Լուկան արժանացավ առաջնության ոսկե մեդալի:

ՓԵՏՐԱԳԵՂԱԿ. ԲՐՈՆԶԵ ՄԵԴԱԼ՝ ՄԻՋԱԶԳԱՅԻՆ ՄՐՃԱՇԱՐԻՃ

Պանուբյան մեջ առաջին անգամ, մինչեւ 19 տարեկանների Junior-2023 մրցաշարում, վրաստանցի աղջիկների՝ Մարինա Հովասապիյանի ու Էլիզաբեթ Ջուներուլիձեի (Չոբանյան) զույգը գրավեց 3-րդ տեղը:

Մարզիչ Սվետլանա-Սոնյա Վարդանյանի VIP-Սոֆիա ակումբի սանուհիները, ապրիլի 21-23-ին, Կիպրոսի Նիկոսիա քաղաքում անցկացված մրցաշարում, 19 երկրների միջեւ զբաղեցրին պատվանդանի երրորդ հորիզոնականը:

	1		2		3		4		5		6
7						8		9			
					10						
11		12					13	14		15	
	16				17						
				18			19		20		21
22			23			24					
			25		26						
27	28						29		30		31
					32						
33		34						35	36		37
	38					39		40			
				41	42		43				
44	45		46		47			48		49	
	50						51				52
	53				54				55		

ԽԱՍՈՐԴ ՀԱՄԱՐԻ ԽԱՉՔԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 7.ԹԵԽԼԻՍԻԻ ԽՈՋԻՎԱՆՔԻ ԳԵՐԵԳ-

մանատանը թաղված գրող Պերճ ...: 9.Մարտական թունավոր գագ: 10.Անգլիական պար: 11.Միենույն մտքի: 13.Կրոն, որի հիմքը Ղուրանն է: 16.Ալսել Բակուց. «... Մարգար»: 17.Գետ Վրաստանում: 19.Փոքրիկ խանութ: 22.Հմտություն, շնորհ: 24.XVIII-XIX դդ. քաղաքային ինքնավարության մարմին Եվրոպայի մի շարք երկրներում: 25.Պատահար, միջադեպ: 27.Քաղաք Սլովակիայում: 29.Գերմանացի հրուշակագործ եւ համանուն ընկերության հիմնադիր: 32.Ռուս մեծ կոմպոզիտոր ... Զայկովսկի: 33.Պետություն Աֆրիկայի արեւելքում՝ համանուն թերակղզու վրա: 35.... տեղին: 38.Մաշկի վարակիչ հիվանդություն: 40.«... եւ Պոժարսկի»: 41.Խաղողի թանձր հյութ: 44.Ֆրանսիացի երգչուհի ... Պիաֆ: 47.Ելունուտ անելու բացվածք: 48.Որեւէ բանի մաս, հատված: 50.Մարզպանական Հայաստանի եւ Սասանյան Պարսկաստանի միջեւ ճակատամարտի վայր (481թ.): 51.Կինոդերասան ... Մերֆի: 52.Սեւրոպյան այբուբենի տառ: 53.Հմայություն: 54.Շիջած, հանգած: 55.Մակարոյժ միջատ:

ՈՒՐԱՆԱՅԱՑ. 1.Ուժգին ձայնով կաղկանձել (գայլերը եւ այլ կենդանիները): 2.Խեղճ, ողորմելի: 3.Ունաման: 4.Հանրահայտ երգիչ ... Մարտին: 5.Անո-

րոջ դերբայ: 6.Էլեկտրականապես չեզոք նյութի մասնիկ, որը կազմված է դրական լիցք ունեցող միջուկից եւ բացասական էլեկտրոնային ամպից: 8.Շպրտում: 12.Գետ Գերմանիայում: 14.Սկանա-յին օրգան, որի հիմնական գործառնությունը մարմնի բոլոր օրգաններին եւ հյուսվածքներին արյան մատակարարումն է: 15.Միենույն անվամբ մարդիկ: 18.Հայ արձակագիր Մարկ ...: 19.Ռազմական միջնակարգ դպրոցի սան: 20.Էլեկտրոտեխնիկան հեռակառավարելու սարք: 21.Սանրվածքի ձեւ: 23.Ապրո-տային հագուստ եւ պարագաներ արտադրող ընկերություն: 26.Փոքրերից մեծահասակներին դիմելու կոչական բառ: 28.Իսկապես, իրավ: 29.Ամե-րիկացի դերասան Քրիս ...: 30.«Ի խորոց ...»: 31.Լյար-դի արտազատած հեղուկ, մաղձ: 34.Իտալացի դե-րասանուհի, մոդել ... Բեյլին: 36.Ջրաբոյ: 37.Ջոկել, գատել: 39.Արական սեռի ներկայացուչիչ: 42.Արեւելյան ու կենտրոնական Եվրոպայի հրեական բնակչության լեզու, որի հիմքում ընկած են գերմանական բարբառները: 43.Ծաղկի արական օրգան: 45.Երաժշ-տական հարվածային գործիք: 46.Տանիքի ստվա-րաթուղթ: 48.«XX դարի հրաշագործ» աճապար Եմիլ ...: 49.Արջնագռավ, ճայիկ:

Կազմեց ԷԼԼԱ ԱՌԱՐԵԿՅԱՆԸ

ՆԱԽՈՐԴ ՀԱՄԱՐԻ ԽԱՉՔԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Ապուլլոն: 3.Գուրգեն: 6.Ամարաս: 8.Սագ: 10.Երակ: 12.Այն: 13.Ան: 15.Սառա: 17.Տա-րափ: 18.Հին: 19.Արամե: 22.Շաման: 25.Տրե: 26.Երե: 28.Ակադեմիա: 30.Ամեր: 31.Կար: 32.Սվան: 35.Ազի: 36.Անձ: 37.Որբան: 39.Լոր: 41.Լղար: 42.Ալթայ: 43.Սոմա: 44.Մոտ: 45.Թեմո: 46.Գիշեն: 49.Ատ: 50.Բալ: 51.Լաչին: 54.Անթիվ: 56.Նիզակ: 57.Ուրմիա: 58.Ետ: 59.Կրիա: 60.Փարվանա:

ՈՒՐԱՆԱՅԱՑ. 1.Ապարատ: 2.Լարիսա: 3.Գագա: 4.Գայանե: 6.Նշենի: 7.Սառ: 8.Սե: 9.Արահետ: 11.Կան-չե: 14.Նամակ: 16.Ափամերծ: 20.Ափսոսող: 21.Բրեզիլացի: 22.Շագալ: 23.Մակար: 24.Ադամ: 26.Եմա: 27.Երի: 29.Ավրամով: 33.Աքրա: 34.Նա: 38.Նարգիզ: 40.Որոտ: 41.Լսելի: 44.Մատուռ: 45.Թաքար: 47.Ինա: 48.Նյասա: 50.Բնիկ: 52.Ամեփ: 53.Չիտա: 54.Ամ: 55.Վրա:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅԱԶԹՈ: ԹՅՈՂՈՆՈ 0105, ՃԱՄԲԵՂՈՆ ԺՅՖԱ 5,
Մեր հասցեն՝ Թբիլիսի 0105 Գ.Աթոնելի փ. 5
ԹՅՂ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՑՈՅԵԹՅՈՆ»
ԹՅՈՂՈՆՈ, ՆԱՅՅԵԹՅՈՆ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445